



JUEGOS LITERARIOS NACIONALES UNIVERSITARIOS

XV

U MOLAYIL KANBAL UNIVERSIDAD AUTONOMA ILC YUCATÁN, ICHL U MEYAJIL U KU'UCHILIL U TS'ABAL K'AJOLTBIL MIATSIL, KU:PAYALT'ANTIK:

Tuláakal ah ts'íibo'ob ich káastelan t'aan yéetel ich máaya t'aan, yaan waxaklajun ja'ab ti'o'ob, sijnaloo'ob tu lu'umil Mexico-bey xan wa ts'a'an u ju'unil u p'aataloo'ob kajtal Mexico- ka tak pajako'ob ichil u KANLAJUN BÁAXALIL IK'TAANIL LU'UMIL MEXICO TU MOLAYIL KANBALOO'OB 2017

U TSOOLIL:

1. Le meyajoo'obo' túumbentak, yaan yila'al wa ma' oka'an ti' mix jüump'éeel paklantáanbalil mix wa bin u ka'aj beetanil u ts'albil ju'unilil.
2. Je' u pajtal u ts'íibta'al ich káastelan wa ich máaya (je'el bix ken yeeya'ake'), yéetel ka'apéel koochil, Times New Roman, u nojochil u wo'ojilo'obe' kanlajun, u nojochil u ju'unile' carta ts'íibta'an chéen ti' jump'éeel u tseel.
3. K'aabéet u k'uba'al jump'éeel sobre, aktáan le ju'una' ts'íibta'an u k'aaba' le meyajoo', u patk'aaba' le máax ts'íibto' yéetel ichil ba'ax jaatsil kun okol, beyxano' k'aabéet u taasik:
 - a. Kanp'éeel u yoochel le meyajoo', láalaj jump'éele' k'aabéet u k'uba'al ti' jejeláas soobres. Aktáan ti' le soobreso' k'aabéet u bisik: u k'aaba' le meyajoo', u patk'aaba' le máax ts'íibto', yéetel ichil ba'ax jaatsil kun okol.
 - b. Ti' jump'éeel sobre más chichaane' k'aabéet u ts'abal tuláakal ba'ax yaan u yila' yéetel le máax ts'íibt le meyajoo': u k'aaba' yéetel u patk'aaba', u jaatsil ichil le ken okoko', u yoochel u credencial ti' elector, u ju'unil tu'ux ku ye'esa'al tu'ux kajakbal, tu'ux u kaajal, u numero'il u celular yéetel u correo. (Tia'al le máaxo'ob sijnaloo'ob tu láak' lu'umile' k'abéet u ju'unil tu'ux ku ya'alik kajakbaloo'ob wey k lu'umile').
 - c. U yoochellil le meyajoo' ta'ka'an ti' jump'éeel CD utia'al k'u'bilo'. d. Ma' tuun k'ama'al mix jump'éeel meyajoo' ku binetikti' jump'éeel ba'al ti' le ba'axo'ob ku k'áata'lo'.
4. Le k'albil ju'un tu'ux ku chikultahoo'. Le junhats "A" yaan u túuchta'al ti' u yuum aj k'alpaachil UADY utia'al u kanáantej, ka'alikil ma' a'ala'ak máax kun u náajalte' mak k'ab yéetel le kun chiimpolbiloo'obo'.Yaan k'iine' ku je'ebel le k'alilbil ju'un tu táan y mek'tanilo'ob UADY le yano'ob ti' le k'iino'.
5. Le meyajoo'obo' unaj u tuxta'al ti' máansaj ju'un, wa tanxel lu'umilo'ob, wa ma'e' k'u'ubuk tu Molayil u Ts'abal K'aj óoltbil Miatsil UADY, yaan tu bejil Juárez No. 421, ka'ache' u najil xookil Ingeniería Química (exfiq) , ciudad industrial, CP 97288, tu noj kaajil, Jo, Yucatan, ichil láas ocho jatskab k'iin tak láas cuatro chinil k'iin, ti' lunes tak viernes tu k'iinilo'ob meyajoo'. Yaan u k'ama'al le meyajoo'ob kun yila'al k'uba'bo'ob ichil le k'iino'ob ku kaajal le payalt'aana' tak u k'iinilo'ob ku xu'ulul.
6. U ju'uno'ob le máaxo'ob ma' tu najalto'ob le paklantáanbalil' yaan u laj jatlo'ob, je'el bix xaan tuláakal u yoochelo'ob le meyajoo'ob ku'ubo'obo'.
7. Lalaj jump'eeel ah ts'íibe' ku pajtal u tuxtik, tak óoxpel meyajoo'ob ichil lalaj jump'éeel u jatsilo'ob le payalt'aana', ba'ale' lalaj jump'éeel meyajoo' k'aabéet u ts'aik jejeláas patk'aaba' ti', beyxano' k'abéet u cha'ajoltik:
 - a. U naajalil ik't'aanil "Rosario Castellanos". Jump'éeel ts'apa' ik'taanil ich káastelan ma' u máan ti' junlajun ju'uno'ob, yéetel u ba'axil, u bixile' je'el bix ken u yeey le máax ts'íibtko'.
 - b. U naajalil u tsikbalil "Jesús Amaro Gamboa". U Chowakile' tak 15 ju'uno'ob.
 - c. U najalil u Tsikbalil ich máaya t'aan "Alfredo Barrera Vásquez". U chowakile' tak 15 ju'uno'ob, ts'íibta'an tuláakal ich máaya. Le meyajoo'ob kun naajalo', k'abéet u seeb ts'íibta'al ichil káastelan utia'al u ts'abal k'ajoltbil.
8. Le máaxo'ob ts'o'ok u najaltiko'ox u yaax k'ama'lil le payalt'aan ichil le jejeláas jatsilo'ob ti' u jo'op'epellil paakal beta'an ka'ach ikil u jook'ol ti' le ja'aba', ma' tuun pajtal u ka' okolo'ob ti' le jats meyajoo'ob tu najalto'obo'.
9. Le máaxo'ob kun takpajalo'ob utia'al u xak'altiko'ob le meyajoo'obo' máako'ob jach yaan u na'ato'ob ti' le ba'axo'ob yaan u yila' yéetel miatsil yéetel ts'íib. Le ba'ax ken u jeto'obe' ma' tun pajtal u ba'ate'eta'al yéetel xane' ku beytal u josko'ob ti' le paklantáanbalil' tuláakal le meyajoo'ob ma' tun ch'ajoltik tuláakal le ba'ax ku ya'alik le payalt'aana', u jets'iko'ob wa mina'an mix máak kun najal ichil jump'éeel le jatsilo'obo' le paklantáanbalil' wa u k'áatiko'ob u láak' jayp'éeel k'iino'ob utia'al u jets'iko'ob máak'ob kun naajalo'ob. Tuláakal ba'ax ma' tun jets'a'al ti' le payalt'aana', le máaxo'ob béetik le meyajoo'ob ken u jets'o'ob ba'ax kun beeta'alo'.
10. U k'ama'al le meyajoo'obo' ku kaajal le ken ts'abal ojelbtbil le payalt'aana', yéetel ku ts'o'okol u k'iinil martes 31 ti' octubre ti' u ja'abil 2017 láas 15:00 horas.
11. Le meyajoo'ob kun naajalo'ob yéetel le máaxo'ob ts'íibto'obo' yaan u ts'abal k'ajoltbil ti' jejeláas pik'ilju'uno'ob yéetel cha'nilo'ob u k'iinil lunes 26 ti' febrero ti' u ja'abil 2018, ichil u k'iinbesajil úuchik u jets'a'al u Molayil Kanbal Autonomail Yucatán.
12. U beeta'al u k'uubajil le payalt'aana' yaan u beeta'al ichil u meyajoo'ob FERIA INTERNACIONAL DE LA LECTURA EN YUCATÁN FILEY 2018. Le k'aamajilo'ob utia'al le meyajoo'obo': \$ 30,000.00 pesos M/N, u ts'abal k'ajoltbil le ts'íibo'obo' yéetel u ts'apa' áanalte'ob.
13. Le mola'ay kun beetik le payalt'aana' le ken u ts'aj u pajtalil bix u taal, tu'ux u wenel yéetel u janal le máaxo'ob kun naajalto'ob le paklantáanbalil u láak' tu'ux kajakbaloo'obo', utia'al u k'aamiko'ob le k'uubajilo'ob tu najalto'ob tu yo'olal u meyajoo'ob ichil le jejeláas jatsilo'obo'.
14. Le máaxo'ob kun najalo'obo' yaan u k'uubiko'ob tuláakal u pajtalil ti' UADY utia'al u xak'alta'al, u k'exa'al yéetel u ts'aabil ojelbtbil u meyajoo'ob.

Wa yaan u láak' ba'ax a k'áat a wojelte':

U Molayil Kanbal Autonomail Yucatán

U Ku'uchilil Miatsilil BÁAXALIL IK'TAANIL LU'UMIL MEXICO TU MOLAYIL KANBALOO'OB

Contacto: cultura@correo.uady.mx

Teléfono: (999) 9-24-64-85 ext. 105

